

# NOTA INFORMATIVA DA ACTIVIDADE



Como actividade compartida entre o Concello de A Veiga e o Club de Montaña O Trisquel de Trevinca, se celebra o próximo 17 de xuño deste 2017 o XV aniversario, de cando por primeira vez soaron as gaitas en Pena Trevinca, como saúdo ou "Aperta" a tódalas Montañas Galegas dende "A Cima de Galicia" na nosa ourensán montaña.

Esta vez non soamente queremos celebrar esta "Aperta" de fai agora 15 anos, se non ademais, celebrar e instituír, o día de "A Montaña Galega" como recoñecemento a unha abondosa e magnífica natureza de montaña, que abrangue, dende o pequeno e admirado Tegra en A Garda aos cordais de A Capelada e A Faladoira en Ortegá, dende os míticos Pico Sagro e O Pindo no Finisterre e terras de Santiago de Compostela ata os altos picos de Manzaneda, Courel, Xurés e Ancares, e como nai de todos eles, as Montañas de Trevinca, que co Pena Trevinca e os seus 2127 m de altitude a fan merecedora do título "Cima de Galicia".

Con esta homenaxe a Montaña Galega, tamén queremos pedir un maior coñecemento e unha máis efectiva protección sobre unha natureza excepcional, na que se atopan refuxiados unha boa parte de endemismos botánicos, mamíferos, aves, insectos e réptiles de gran valor medioambiental e científico. A nosa mensaxe e petición resumiríase en "dar a coñecer as nosas montañas", "protexer as nosas montañas" e "admirar e amar as nosas montañas".



17 de Xuño do 2107

